



Komunikado 2019-007

## *Progreso den restrukturashon ENNIA*

### **Korte na Merka a duna Ennia kontròl riba kuentanan na Merrill Lynch**

Willemstad/Philipsburg - Centrale Bank van Curaçao en Sint Maarten (CBCS) na diferente okashon durante e periodo tras di lomba, a emití komunikadonan di prensa den kua a informá kiko tabata e status di e proseso pa haña rekonosementu legal di e areglo di emergensia riba ENNIA, na Merka.

Despues ku korte na Merka a bai di akuerdo ku e petishon di CBCS, dia 20 di desèmber 2018, pa haña e rekonosementu legal riba fondonan i invershonnan di ENNIA riba kuentanan na Merrill Lynch, awor e korte merikano riba 29 di yanüari 2019 a dikta ku ENNIA por dispone di e fondonan i invershonnan riba kuentanan di ENNIA Group na Merrill Lynch. E kaso a tuma lugá dia 22 di yanüari 2019. Den e kaso aki e akshonista di ENNIA ku ta Parman International BV, no a logra konvensé e wes ku e argumentonan ku nan a presentá.

Ku e desishon aki korte na Merka a logra otro meta importante den e proseso di restrukturashon di ENNIA. CBCS ta sigui hasi tur loke ta na su alkanse pa rekuperá e solvensia di ENNIA, ku e meta prinsipal ku ENNIA lo sigui kumpli ku su aseguradonan riba término kòrtiku i riba término largu.

Pa preguntanan relashoná ku e anunsio aki, por fabor usa e e-mail adrès: [cbcs@centralbank.cw](mailto:cbcs@centralbank.cw).

Willemstad, 29 di yanüari 2019

CENTRALE BANK VAN CURAÇAO EN SINT MAARTEN